


咸豐縣志

咸豐縣志

38

卷之七



同治四年仲秋鐫

咸

豐

縣

志

板存蔚文書院

序



且夫志也者志其地也志其地
之人與事也意不必取其精深
詞不必求其風雅惟於山川疆
域橋樑關津廟宇古蹟及一切

咸豐縣志

序

風俗人才官師文武忠孝節烈
並賦役戶口兵政錢穀歷歷分
門別類編而輯之使觀者一披
閱而了然於心目間已耳同治
二年余奉檄宰咸蒞任之日見

其山川毓秀風俗醇良及諸紳
謁見坐談之際余以邑乘為詢
僉曰咸自有明以來為大田所
分隸土司至

國朝乾隆初年始改土歸流百有餘

歲文教雖興而科名未著兼之
土瘠民貧難以措手雖前任盧
陳諸公皆有志修纂又因疊遭
兵燹是以不果余曰縣志一書
人才藉以維持風俗賴以丕變

忠信山川英華積久必發使不
有以志之將致世遠年深而湮
沒不彰則觀法無由何以感激
乎人心此吾所日夜焦灼而刻
刻在抱者也異日付刊刪定告

厥成功聊慰我心乙丑夏

大憲札飭擬鍾祥公以離任有
期簿書之暇即就邑紳張君輯
稿畧加鑒定編輯成錦將付剞
劂遺余觀覽披閱之下喜其層

次分明源委洞澈理既足而詞
圓言亦簡而意該以斯編僻之
邑而竟有若人焉為之廣詢為
之博訪統風土人物山川疆域
搜羅無遺不知幾經時日幾費

心力矣斯志之成余曷敢序恭
疏短引一以慕採訪之苦衷一
以彰編修之深意云爾

同治四年歲在旃蒙赤奮若作
噩月龍門牛娘謹序

序

國有史邑有志志者志其事之足以信今傳後非第為一邑光將使後之覽是志者得以考鏡不為時地所限油然而生忠孝節義之思也夷考咸地為古巴子國秦屬黔

咸豐縣志

序

一

中郡漢為武陵郡唐屬黔中道五季為感化州元屬散毛司明洪武七年割散毛司之半為大田所外而毗連黔蜀內而鎖鑰荆襄亦重地也誠不可以無志但在勝國土流間治以一所處諸司環繞之中

屯田守禦修文不暇志何有焉
國朝雍正十三年改土歸流乾隆元
年設縣三十七年建學官師畢舉
教化漸行易荒服為冠裳變干戈
為禮樂涵濡

王澤百有餘年其疆域雖無名山大川

之可紀而如仙掌積玉以及龍潭
瀑布蔚然清秀者不一其處豈必
異江漢雲夢之觀也其人物雖無
高爵顯秩之可書而忠奮者有人
純孝者有人守義高隱者有人以
及官師儒士烈女節婦卓然傑出

者更不二其人何在無榎楠杞梓
之材也其餘風俗之古樸名士之
留題與夫滄葦建置典禮皆與內
地等此鄰人士所為不忍湮沒往
迹沉淪善行有志撰記而恒苦草
創之難同治甲子春適催修志檄

至邑張明府與余思董其事而慮
考校無由賴同學諸君徵文考獻
網羅散軼竭數年之心力擇其事
蹟足以資考証者存之行誼足以
為法效者錄之付諸剞劂以傳不
朽非敢曰為一邑光或亦可使百

世後之考古者一助云至若表章
潤色一俟人文臻盛之日更有待
於同志者是為序

同治四年乙丑秋署咸豐縣訓導
西陵鮑含章撰

序

事莫難於創創之難莫難於創
志尤莫難於創咸之志非文獻
足徵則不易志非才學兼優則
不敢志非土膏民富資費有餘
則不能志且地介山壤改土僅
始於

咸豐縣志

序

一

國朝兼兵燹疊遭鋒燧屢舉於郊
關審時度勢不綦難乎創哉邑
明府張公者余關西舊家也學

問深醞性行淑均余同硯日久
深知底蘊自奉檄蒞咸後未逾
期年余亦抵署入其邑觀其風
物阜土膏四方之山川清淑父
慈子孝八里之風俗循良各安
其業各守其居彬彬乎禮樂
化

咸豐縣志

序

二

邗治之隆焉此固

聖天子深仁丕及而亦張公薰陶之
功也嘗語余曰十室之邑必有

山淮陰之轍迹已渺太康之斷
碣不存宋元以前了無傳記有
明以來諸司環繞文教闕如洪
武雖立所弁置屯田粗定規模
聊示羈縻隆慶以後土司侵占
迄無甯宇逮

國朝康熙王紐兩公相繼到所始
就蘇息乾隆初改土歸流涵濡
聖澤百有餘歲同文之化比於內地
而縣志尚無成書安在其草創

之易也矧前明童志廢於兵燹
拈毫濡墨無從考証各圖而下
雜志而上卷凡若干文成數萬
雖藉郡志為粉本僅存什一於千
百而因畧求詳語必足徵昔人

不能成於數百年之前吾輩遠
欲成於數百年之後又無易之
非難也惟是三代之直道未泯
人心之天良不殊所見所聞如
是所言亦遂如是有不覺其草

創之易耳書成適 明府張公
學博鮑公設局修志繕稿呈閱
遂付剞劂勒為成編雖文字之
典贍棄取之謹嚴事跡之詳畧
古今之源流未易窺測且多遺

漏姑俟博雅君子覽是書而詳
加潤色易其所易難其所難歸
於完善抑又幸矣

同治四年歲在乙丑重九前一
日瀑泉張光杰撰

叙

著作莫難於草創莫易於潤色
至於修志則草創易潤色難何
易乎爾蓋網羅舊聞搜尋事實
按類紀載條分縷晰信以傳信

咸豐縣志

序

一

疑以傳疑詞不煩而易曉意該
括而無遺其於文字之典贍棄
取之謹嚴事跡之詳畧古今之
源流固未暇細論而殊覺其易
也何難乎爾歷觀往迹詩書傳

於刪定春秋歸於筆削鄭國之
命必資東里班馬之文續成兩
世以及歷代國史當時左右史
記之後世名公卿修之且宿儒
碩彥遞經斧藻不遺餘力於是

文字之典贍棄取之謹嚴事跡
之詳畧古今之源流始昭然於
簡策與日月爭光蓋潤色若斯
之難也雖然草創固易在咸亦
有不易者咸間於荆梁僻處深